庫全書

子部

欽定四庫全

事物紀原卷九

總校官中書臣朱 校對官助 **腾録監生臣羅善慶** 教臣蔡

鎮

鈴

詳校官中書臣李 形

侍讀臣孫球覆勘

ATT STEEL WAS ALLEGED ON THE STEEL STEEL 一十步為配今又二百四十步也青齊諸部又以 **紧** 陶漁 部四十 始立步制弘是田以弘計起自軒轅也司 為步步百為此顧野王云秦孝公以二 人名英克勒西 法不管接收的证据 人 事物紀原 然作未相則田起神農美通 宋 髙承 撰

耕 欽定匹庫全書 田業 帝昇為天子地神獻草木述播種之利因廣耕則耕 周書曰神農之時天雨栗帝耕而種之黄帝内傳曰 得賣買而天下之田為私業此民田業賣買之始也 三百六十步為一大畆 云 婦受地百畝春孝公任衛公孫鞅廢井田開阡陌民 三代之民皆受田于公則所田之田王田也一夫 卷九!

未耜 足三日巨八季 種 種之利也吕氏春秋曰后稷作稼注云烈山氏子曰 王天下造耕種以省穀 世紀曰炎帝始教天下耕種五穀而食故黄帝述播 盖始于炎帝 淮南子曰神農始教民播種五穀相土地之宜帝王 能植百穀蔬菜深陶洪景本草序曰昔神農氏之 事物紀原

犁 多分に屋石書 獸不足神農乃因天時地利制耒耜教人農作高氏 作非也白虎通曰古者人食禽獸內神農時人多禽 作来耜古史考亦云而世本則曰倕作又以為咎繇 耒耜之利以教天下盖取諸益禮含文嘉亦曰神農 易繁辭曰包徽氏没神農氏作断木為耜操木為未 山海經曰稷降以百穀種之弟曰台重生叔均叔均 小史亦云炎帝種五穀為耒耜以利百姓

尺包回車公子 樓 楼皆 犁 都尉教民種殖其法三犁共一牛一人將之下種挽 實勝未耜之利崔寔正論曰漢武帝以趙過為搜栗 自叔均始矣後魏賈勰齊民要術曰趙過始為牛耕 均是始作耕注云用牛犁以耕也是則耕之用牛 有所由爾 生是代其父及稷播百穀始作耕又曰后稷孫曰叔 取備馬又牛耕之始自趙過也然崔賈之論為 事物紀原

鎌 鉏 金分口屋台書 鎒也世本曰倕作耨釋名曰鋤類尔雅釋器斫斸謂 五穀與則銀蓋神農造也詩臣工曰痔乃錢鏄注鏄 周書曰神農天雨栗帝種之作銀鎒以墾草恭然後 之定李巡日鋤也廣雅日鋤謂之 **欆犁省力過半** 魏畧曰皇甫隆為燉煌太守民不曉耕隆乃教民作 耨然則耨即鋤矣

磑 碓 世本曰公輸般作確今以韓穀者自山而東謂之磑 器也 碓而利十倍則碓蓋起于杵臼之遺法也 桓譚新論曰宓犧制杵臼之利後世加巧因借身踐 說苑曰孔子聞吾邱子振鎌帶而哭然則三代之田

欠己四車全書

江浙之間或曰韓編木附泥為之所以破穀出米矣

事物紀原

磨 金り 碾 杵臼 VX 礦古磨字 方言曰禮謂之磚錯碓切說文曰礦石磑也方言磑 有濟時用逐教民為碾此疑碾之起也 後漢書云崔亮在雍州讀杜 Ĺ 磚為磨則磨以磑 1:11 卷九 而作也盖起於公輸作禮之後 預傳見其為八

水車 **灰色四草白雪** 春 世本曰雅父作春黄帝臣也 吕氏春秋日赤冀作杵臼皆非也黄帝内傳曰帝既 小過此疑杵白之始也唐韻作羅父作杵白 作斷大為杵掘地為白臼杵之利萬民以濟盖取諸 斬出尤因粉杵臼易繋辭曰神農氏没黄帝堯舜氏 桓譚新論云宓犧制杵臼世本乃云雍父作春杵臼 事物紀原 五

蠶絲 魏馬釣也而漢靈帝使畢嵐作翻車設機東以引水 魏畧曰馬釣居京都城内有地可為園無水以灌之 戲馬曰汝能迎得吾父吾将嫁汝馬乃絕韁去得父 天早時仍水以溉田者即此器也詳此則其制起自 搜神記曰上古時有人遠征家惟 洒南北郊路又為自畢嵐所制矣未知孰是 乃作翻軍令童兒轉之而灌水自覆今田家有水車 女與馬女思父

金万口匠

機等 世為之機等體服以便此機等之始也注伯余黄帝 淮南子曰伯余之初作衣也絲麻索縷手經指緯後 陵氏始養蠶為絲 其皮女至皮所忽蹙然卷女而行後於大樹枝得女 還後馬見女軟怒父怪之女具以答父大怒殺馬曝 及皮盡化為蠶既死因名其樹曰桑桑喪也此蠶桑 之始也皇圖要記曰伏犧化蠶為絲叉黄帝四妃西

火足四車全書 一

事物紀原

陶 織 金グル 因之廣織于此言廣明其前有黄帝廣之爾一 黄帝内傳曰帝既斬出尤蠶神獻絲絲稱織紙之功 始也 周書曰神農作陶尸子曰夏禁臣昆吾作陶吕氏春 臣 南子言伯余之初作衣絲麻素縷手經指緯盖織之 日伯余黄帝也 一云淮

冶 農作治尸子以謂造冶者出尤也按禮曰昔先王未 古史考曰燧人鑄金作刀金即冶也而周書以謂 于鑚木造火之後 有火化後聖修火之利範金合土此冶之始也盖始 封人為陶正則陶始于炎帝明矣 之子為夏伯制作陶冶埏埴為器也按黄帝時有審 秋亦曰昆吾作陶髙誘云昆吾髙陽後吴回黎陸終

とこり見いま

事物紀原

釣 金分口尼台書 漁 當為此乎 為包犧作則尸子所云燧人教人以漁其釣之為漁 然則漁自太昊始也 易稱太昊以佃以漁然釣亦漁事蓋易以結網而漁 **缴氏之王天下結繩而為網罟以佃以漁蓋取諸離** 尸子曰燧人之世天下多水教人以漁易繁辭曰包

羅 獵 網 欠已四氧心 繁辭日包犧結繩為網罟抱朴子曰太昊師蜘蛛而 古史考曰伏儀氏觀蒙而始作網世本曰句芒作易 世本曰包犧臣句芒作羅羅鳥罟也 尸子曰宓犧之世天下多獸教人以獵易繁辭亦言 包犧氏以佃以漁則獵始于太昊也 事物紀原

穀食 五穀 金父巴乃台 周書曰神農之時天雨栗是則初有五穀之始也甚 結網網魚罟也孟詵錦帶前書宓犧始為網罟髙氏 賈誼雜說曰神農當百草之實教民食穀藝之 氏小史云炎帝種五穀故謂之神農 小史曰太昊作網罟以取禽獸 酒醴飲食部四十六 卷九

次足四車全書 醴酪 酒 吕氏春秋日儀狄作酒醪愛五味戰國策日儀狄帝 截蓋其物出自燧人作火之後爾 古史考曰古有醴酪禮運曰昔先王未有火化後聖 酒經日空桑穢飯醖以稷麥以成醇醪此酒之始也 日神農時民始食穀加于燒石之上而食 有作然後修火之利以為醴酪注云烝釀之也酪酢 事物紀原

蠟茶 古今多言其始造酒也一曰少康作秫酒 嵩山飲帝以護神養氣金液流暉之酒又有延洪壽 造酒博物志日杜康造酒魏武帝詩日何以解我憂 女造酒進之于禹甘之遂疎狄儀古史考亦曰儀狄 光之酒然黄帝時已有其物但不知杜康何世人 惟有杜康酒玉篇曰酒杜康所作陶潜集述酒詩序 日儀狄造酒杜康潤色之而黄帝内傳王母會帝 人ノニー

龍茶 言福建等州未詳往往得之其味極佳江左近日方 楊文公談苑云蠟茶出建州陸羽茶經尚未知之但 談苑曰龍鳳石乳茶本朝太宗皇帝令造江左乃有 質之三館檢討杜鶴亦曰在江左日始記有研膏茶 歐陽修歸田録亦云出福建不言所起按唐氏諸家 有蠟面之號丁謂北苑茶銀曰剏造之始莫有知者 說中往往有蠟面茶之語則是自唐有之也

2 こり ng ハナ

事物紀原

1 多分四月至書 京鋋 **歷中蔡君謨為福建漕始造小片龍茶以進其品絕** 精謂之小團又龍茶録後序曰團茶為茶之至精 團 研膏茶供御即龍茶之品也北苑茶録曰太宗太平 歐陽修歸田録曰茶之品莫貴于龍鳳謂之團茶慶 興國二年遣使造之規取像類以別無飲也 團又團茶之精者察君誤始造歲貢云 而

石乳 北苑茶録曰石乳太宗皇帝至道二年韶造也 時所貴意其名由此得也又云或曰開實末方有此 乳以降以下品雜鍊售之唯京師去者至真不雜為 乳及骨子等是則京鲠之品自南唐始也北苑録曰的 茶當時識者云鱼陵僣國唯曰都下而以朝廷為京 談苑曰江左李氏別令取茶之乳作片或號京鋋的 師今忽有此名其將歸京師乎

CANDID LIAM

事物紀原

多分で店る書 華物 炮 炙 晉陸士衡飾張華蘇華開器便曰此龍肉也試以苦 古史考曰燧人鑚火人始裹肉而燔之曰炮也 周書曰黄帝始燔肉為炙 物由此故也六帖云 酒灌之必有異試之有五色光起令人誤以鮓為華 卷九

煮鹽

食熟 侯唐韻曰古者宿沙初作煑海為鹽 臣齊保海故衛為魚鹽之利或曰宿沙氏炎帝時諸 世本日宿沙氏煮海水為鹽宋東日宿沙衛齊靈公

处定四重全書

嘉曰燧人始蠻木以取火炮生為熟也拾遺記曰疱

事物紀原

+

火德王造作鑚燧出火教人熟食號曰燧人禮含文

古史考曰古初之人未有火化飲血茹毛有聖人以

飯 食卵 金グロノイニ 粥 瑞應圖曰有處氏馴百禽夏后之世民始食卵鳳凰 鑚燧改火化生為熟 **羲變站腥之食高氏小史燧人氏時茹生人多病乃** 周書黃帝始蒸穀為飯也 乃去此盖食卵之始也

餻 又曰黄帝始烹穀為粥

周禮籩人羞籩之實糗餌粉餐鄭康成云二物皆粉

稻黍米所為合蒸曰餌餅之曰養蓋餌即熊也玉燭

實典曰秋食餌者其時黍秫並次因以粘米佳味觸 類當新遂成積習禮月令有當新之事疑周制也西

京雜記曰戚夫人侍兒賈佩蘭說宫内時九月九日

食餌令人長壽故今人以為俗方言曰餌熊或謂之

更起四軍全書 一

















陵餻 裁作薄葉沃以餳若密而食之謂之陵熊此即其起 **鄴中記云并州之俗冬至一百五日為介子推冷食** 餐續事始引干實注曰糗餌者或屑而蒸之以棗豆 俗每至清明以麥或秫以杏酪煮為薑粥俟其凝冷 作乾粥食之故謂之寒食乾粥即今之陵熊是也世 之味同食 也玉燭寶典曰今人研杏仁為酪以煮凌粥以錫

更定四車全書 機 象一曰因屈原也齊諧記曰原以五月五日投汨羅 米以栗棗灰汁煮之令熟節日啖取陰陽尚包裹之 楚人哀之每至此日以简貯米祭今市俗置米於新 記曰今世人五月五日作糭汨羅之遺風也異苑 竹筒中蒸食之謂之装筒其遺事亦曰筒粉齊詣又 ♥即此也 名角黍風土記曰仲夏端午端初也以旅葉裹粘 事物紀原

金グレ 饅 頭 **糭屈原姊所作** 祭祀之品而東哲餅賦亦有其說則饅頭疑自武侯 肉以包之以麵象人頭以 祭之神則嚮之為出兵也武侯不從因雜用羊豕之 須 · 一神假陰兵一以助之然 蜜俗必殺人以其首 由此為饅頭至晉盧謀祭法春祠用饅頭始列于 說云昔諸葛武侯之征孟獲也人曰蠻地多邪 老九 祠神亦嚮馬而為出兵後

灰定四車全書 胡餅 餅 始也 國之時也 餅所從買者輛大售說苑叙戰國事則餅蓋起于七 晉東哲餅賦曰禮仲春天子食熊而朝事之邁煮麥 書百官表少府属有湯官主餅餌又宣帝散時每買 為麵內則諸饌不說餅然則餅之作其來遠矣按漢 Ī 事物紀原 **十**

蒸餅 湯餅 者是而漢餅疑是今餅也後趙石勒諱胡改為麻餅 自此始也然則餅有胡漢之異矣胡餅蓋今俗所為 續漢書曰靈帝好胡餅京師皆食胡餅胡餅之起疑 蒸餅至晉何曽所食非作十字拆則不下箸方 秦漢建今世所食初有餅胡餅蒸餅湯餅之四品惟 于此以是推之當出自漢魏以來也 卷九 見

不托 與何晏熱湯餅即是其物出于漢魏之間也 魏晉之代世尚食湯餅今索餅是也語林有魏文帝

東哲餅賦曰朝事之邁養麥為麵則麵之名蓋自此 而出也魏世食湯餅晉以來有不托之號意不托之

黄兒 作緣湯餅而務簡矣今訛為飲託亦直曰麵也

に己日尾合語 愛

唐五行志曰黄巢未入京時都人以黄米及黑豆屑 事物紀原

十 六

鹽豉 蒸食之謂之黄賊打黑賊唐都長安今自陝而西以 廣雅曰苦李作政廣志曰苦秦豉則豉自一物尔謝 黄米為粉團聚烝之曰黄兒其喬麥麵者曰黑兒蓋 **承後漢書羊續為南陽太守鹽豉共器三輔決録曰** 出于此也 記貨殖傳曰孽麹鹽豉干合蓋四物也今京俗謂豉 南陽舊語曰前隊太守范仲公鹽或蒜菓共一 一筒史

金火口乃己言

卷九

藏水 里蓴奏未下鹽豉 日鹽豉或因此云然晉世已為此名 世說武子云干

日鑿氷沖沖三之日納于凌陰周禮凌人掌氷正歲 周公遭變陳后稷先公致王紫之艱難其詩曰二之

藏水 西陸朝觀而出之其藏之也黑牡秬黍以享司 釋度也春秋左氏傳昭公四年中豐曰日在北陸而 十二月令斬氷三其凌注云凌氷室也三之者為消

欠巨四軍全島

事物紀原

ተ ኢ

撒豆穀 金グレ 嫁娶 通典曰遂皇氏有婦法云人皇是也伏儀氏制嫁娶 寒注黑其黑牡也 以儷皮為禮帝王世紀日包緣氏都陳制嫁娶之 漢世京房之女適異奉子奉擇日迎之房以其日不 王子年拾遺記日包緣始嫁娶以修人道 古古典制部四十七 人とごう 卷九

跨馬鞍 事也 自避新人可入也自是以來凡嫁娶者皆置草于門 間內下車則撒穀豆既至處草于側而入今以為故 也凡是三者在門新人不得入犯之損尊長及無子 吉以三然在門故也三然者謂青羊烏雞青牛之神 **热氏演義曰唐歷云國初以婚姻之禮皆北人之法,** 奉以謂不然婦将至門但以穀豆與草穰之則三然 事物紀原 + ^

敏定匹庫全書 東牀 鑒使門生求女婿于王導導令就東廂編觀子弟門 生歸謂鑒曰王氏諸少並住然聞信至咸自矜持惟 晉書王羲之傳曰羲之與王承王悦為王氏二少都 餘風也今娶婦家新人入門跨馬鞍此蓋其始也 陽雜俎口今士大夫家婚禮新婦乘馬鞍悉北朝之 也謂坐女于馬鞍之側此北人尚乘鞍馬之義也酉 人坦腹食獨若不聞鑒曰此正佳婿也訪之乃義

五姓 璞始也前漢王恭傳卜者王况謂李馬曰漢當復與 寨屋宅之地亦以五姓配五行然則五姓之起自郭 姓以至齶上之音為徵姓以唇音為羽姓以舌著齒 **蘓氏演義日五音之配五姓郭璞以次舌之音為宫** 君姓李李者徵徵火也當為漢輔按此五姓之說自 外之音為商姓以胷中之音為角姓又青囊經云城 之也遂以女妻之由是呼女婿為東牀 事物紀 原 十二

7 ... /:1:

婦 媒 動定四庫全書 由便應有媒矣至周始置媒氏之官掌萬民之判也 鄭康成曰媒之言謀也謀合異類使和成者凡嫁娶 漢已有之云 之道必由媒妁自太具制昏禮則判合之義當有所 拜稽額女子則否是古者男女之拜一也古詩曰長 禮曰男拜則尚左手女拜則尚右手又居喪之禮男 八拜

喪紀 欠ピリ軍を書 主改適 娶也 唐書公主傳宣宗女萬壽公主下嫁之後遂詔公主 是則女屈膝而拜始于唐武后也 跽故夫前五言之作自漢李陵推此則由漢而來其 有子而寡不得復嫁宋朝之制主處其夫亦不得復 猶同耳孫甫唐書云唐武后欲尊婦人始易今拜 W 事物紀原 ニナ

喪服 載放熟祖落百姓如喪考妣三載四海過客八音則 喪齊衰之服三代共之淮 南子齊倍訓曰武王伐紂 上古親死葵之中野而喪期無數至虞舜二十有八 載尸而行海内未定故不為三年之喪許慎注云三 年之喪始于成王 三年之喪自堯舜始也三代同之故孟子曰三年之 通典曰喪期無数謂黄帝時心喪終身也三載過密

衰經之起自三代始也 一音唐虞雖行心喪更三年為限三王乃制喪服則

五服 許慎注淮南子曰三月之服夏后氏之禮又云五線

母服 蓋原于夏備于商周其事具在於三禮之所記云耳 之服謂三年春九月五月三月服也然則五服之等

三代之制父在為母服齊衰基唐武后始請同父三 事物紀原

次定四車全書 國

慈母服 易月 始也 慈母之服注云父所命己者禮記曰練冠而喪慈母 自魯公始也故今五服勢有慈母服 淮南子曰魯昭公有慈母而愛之死為之練冠故有 年按盧履收言上元中父在為母三年后雖請未用 也逮垂拱始行之則父在之服母三年自唐垂拱中

前漢書文帝紀後元七年六月遺詔曰其令天下吏 凡三十六日而釋服此以日易月也顏師古曰紅 音服大紅十五日小紅十四日纖七日釋服應劭 民令到三日釋服殿中當臨者皆以旦夕各十五舉 制宋朝會要日漢文帝酌變禮之宜創易月之制按 功同此喪制者文帝自率已意創為之非有取于周 自漢文益尊神器徇至公絕私之義行以日易月之 五代會要日後唐同光三年十一月禮儀使奏曰專 與

とこり 見たする

事物紀原

テニ

含襚 動分に四百言 代學者因循謬說未之思也 禮也何以日易月子三年之喪其實二十七月豈有 後漢趙咨遺書曰周室制兼三代重以殯葬之期衣 **余稱襲衣之数然則極周制也禮曰商玉級重三禮** 凡始死以珠玉實口中曰含以衣衾贈死者曰襚襚 三十六月之文禪又七月也應氏既失之于前而近 即今俗謂搭衣架是也穀梁曰具玉曰含衣衾曰襚 卷九

周人加以珠玉爾 **圖云以飯含餘粥盛之以馬名曰重然則含商制也**

面帛 今人死以方帛覆面者吕氏春秋曰夫差誅子胥數

何面目以見子胥于地下乃為惧以冒面而死此其 ,越報吳殘其國夫差将死日死者如其有知也吾

始也風俗通曰吳王羞見子胥以帛幕面而死故後 因之制面衣說苑亦曰越襲吳吳王将死曰吾不

とこり日本は動

事物紀原

二十三

































糧器 動分口屋台書 明衣 魯哀公祖載其父孔子問寧設五穀囊者公曰否也 巳段成式酉陽雜俎曰明衣起于左伯桃也 遂蒙絮覆面而死 用子骨之言至于此死者有知吾何面以見子胥也 今喪家棺飲柩中必置糧罌者王肅喪服要記曰昔 三代以來襲有明衣唐改用生絹單衣今但新衣而

棺鄉 聖周商之棺鄉古史考日舜作及棺禹作土聖作周 禮檀弓曰有虞氏瓦棺鄭注云始不用新也夏后氏 今之糧罌即古重之遺意也 **焓錄粥以馬威之名曰重設之於庭恐神依之以食** 又禮檀弓曰重主道也三禮圖曰重起于商代以飯 之饑也故設五穀囊吾父食味含哺而死何用此為 五穀囊者起自伯夷叔齊不食周栗而餓死恐其魂

次足四車全書 一

事物紀原

二十四

銘 旌 取諸大過孔顏達疏云有虞瓦棺未必用木商以前 以為黄帝堯舜之事 無梯又按棺鄉自商以後則夏己前未具也而易繁 始黄帝内傳曰帝斬蚩尤設棺槨易繋九事之八則 棺槨之作自黄帝始後漢趙咨曰棺槨之造自黄帝 棺湯作木鄉以周土聖臣費曰商人作棺鄉劉向曰 曰古之葬者厚衣之以薪後世聖人易之以棺鄉盖 卷九 别臣子故稱之以自别也 某之棺置于字西階之上商以前皆書姓男名女字 無書國者后亦不書氏至魏以為天下之號無所復 記曰書銘自商始置非周禮也周官司常大喪其銘 旌因商事爾士喪為銘各以其物書名于末曰某氏 代表以旌名之儀則喪禮之有銘旌周制也喪服小 後漢趙咨遺書曰古之葬者至商有加周官制兼二 禮記曰銘明旌也以死者不可以别故以其旗識之

足已日草主

事物紀原

二十五

明器 桐 金牙口乃人 也鄭注云俑偶人有面目似生人孔子善古而非問 善為俑者不仁不殆于用人乎哉為其像人而用之 之也塗車都靈自古有之明器之道也謂為都靈者 禮檀弓口孔子謂為明器者知喪道其曰明器神明 今喪葬家、塘中置桐人有仰視俯聽乃萬里老人 一類段成式酉陽雜俎云桐人起于虞鄉也 卷九

寓錢 飲定四庫全書 祠解中帝意有所禳被大抵類巫覡漢以來葬者皆 和 用瓦不成味木不成斷琴瑟張而不平笙等備而不 **今楮鏹也唐書王嶼傳曰玄宗時嶼為祠祭使專以 今直以俑號明器云禮又曰夏后用明器謂竹不成** 周官家人及葬言鸞車像人是像人之起始于周也 有極錢後世里俗稍以紙寓錢為思事至是嶼乃用 有鍾罄而無箕羞也以俑為明器誤矣 · 事物紀原 千六

挽歌 荾 曰周公作爨起于周也 也禮記檀弓曰周人牆置娶世本曰武王作古史考 亦自此也法苑珠林云紙錢起于殷長史 人之所持以敬喪車前後以為飾者今挽郎所執是 沥 之則是喪祭之焚紙錢起于漢世之瘞錢也其禱神 用寓錢則自王嶼始耳今巫家有焚奏複謝之事

議曰挽歌出于漢武帝役人勞苦歌聲哀切遂以送 萬里送大夫庶士盖二歌之起始自横也擊虞新禮 以寄哀耳武帝時李延年分為二雄露送王公貴人 公孫夏命其徒歌虞殯杜預注云送葬歌曲哀死也 終非古制者誤矣左傳哀公十一年會吳伐齊将戰 為挽歌按漢初横死門人為雅露萬里之歌盖從者 熊周法訓曰挽歌起自田横通典曰漢高帝時齊王 田横自殺故吏不敢哭泣但隨極叙哀後代相承以

き 物紀原

方相 母監護因置方相亦曰防喪此盖其始也俗號險道 軒轅本紀日帝周将時元妃嫘祖死于道令次妃嫫 极者所歌故曰挽歌馮鑑謂起于虞殯也然則其周 謳挽歌斥疏緩苦急促言引鄉謳者為用人力以挽 子曰紼謳于所生必于斥苦司馬彪注曰綿引柩索 人之制乎 類達疏曰虞確謂格確将虞之歌今謂之挽歌莊

魌 頭 室歐疫鄭注云如今閱頭是也疑自漢始云然首 宋朝喪葬今有方相魌頭之別皆是其品所當用而 及墓入壙以戈擊四隅歐方良故葬家以方相先馳 亦周禮方相之比也方相氏蒙熊皮黄金四目以索 有仲尼之面如蒙俱則戰國已為是名 世以四目為方相兩目為點頭按漢世逐疫用點頭 抑由此故爾周禮有方相氏狂夫四夫大喪先歷

钦定四庫全書

基物紀原

砰破 管子曰無懷氏封泰山刻石紀功秦漢以來始謂 言廣韻曰碑码李斯造疑始于峄山之刻爾釋名曰 由是而得自秦漢以降生有功德政事者亦碑之而 而定用木書之以表其功德因留之不忍去碑之名 枥 石曰碑盖因喪禮豐碑之制也刻石當以無懷為始 又易之以石失其稱矣此又德政有碑之起也陸法 名為自秦漢也陸龜蒙野廟碑曰碑悲也古者懸 刻

神道碑 本葬時所設臣子追述君父之功以載其上也

古之葬有豐碑以定秦漢以來死有功業生有他政 者皆碑之稍改用石因總謂之碑晉宋之世始又有

官神道之碑今世尚有宋文帝神道碑墨本也其初 神道碑天子及諸侯皆有之其刻文止曰其帝或某

欽定四庫全書 以名碑爾按後漢中山簡王薨詔大為修塚塋開神 整九知原

二十九

由立之于葬兆之東南地理家言以東南為神道故

合葬 葬埋 孟子曰上世皆有不葬其親者其親死則舉而委之 炎帝之前殆厚衣之以薪葬之中野不封不樹也 于轻他日過之狐狸食之蠅蚋姑嘬之其額有此睨 道之名在漢已有之也晉宋之後易以碑刻云 而不視盖歸反於而掩之則葬埋之禮疑自此起也 道注云墓前開道建石柱以為標謂之神道是則神 **炎定四車全書** 塚墓 記伏犧女媧之塚疑後人增築云 黄帝内傳云帝斬出尤因置塚墓然諸小說家往往 謂古不合葬又季武子曰周公蓋附注云附謂合葬 合葬自周公以來是則周公初制此禮也故周桓王 未之有改又云舜葬蒼梧之野盖二妃未之從也注 禮記曰檀弓云季武子曰合葬非古也自周公以來 之詩曰死則同穴 事物紀原

墓誌 炙較子曰齊王儉云石誌不出禮經起宋元嘉中顏 陵谷遷變欲使人有所聞知但記姓名歷官祖父婣 已有其事不起于宋也馮鑑續事始云按西京雜記 銘云晉司徒安豐元公王君之銘有數百字則魏晉 延之為王球作墓誌以其無名誄故以紀行事爾遂 媾而已有徳業則為銘文又隋代酸家于王戎墓得 相祖習然魏侍中繆襲改葬父母制墓下埋文将以

金り

卷九

耿定四車全書 誌其來遠矣 城鬱鬱三千年見白日吁嗟滕公居此室則墓之有 吳延陵李子之墓莊子衛靈公葬沙丘掘得石槨銘 此始也承謂昔吳季札之喪孔子銘其墓曰嗚呼有 前漢杜子春臨終作文命刻石埋于墓前則墓誌因 比干墓誌刻其文以銅盤曰右林左泉後尚前道方 世之寧茲馬是保漢滕公夏侯嬰得定葬石銘曰佳 曰不馮其子靈公奪而埋之唐開元時人有耕地得 事物紀原 <u></u>

į

石羊虎 死人 記 屬人臣墓有石人羊虎柱之類皆表飾墳壠如生前 **炙穀子日秦漢以來帝王陵寢有石麟辟卯兕馬之** 儀衛風俗通曰方相氏葬日入擴駈罔像罔像好食 亭因石柱為名漢霍去病墓像祁連山立石人馬然 像畏虎與栢故頂上栽栢路前立虎也盧思道西征 日新城西有漢桂陽太守趙越墓有石柱東南有 (肝腦人臣不敢備方相乃立其像于墓側又問

諡 諡法曰周公旦太公望相嗣王作諡法抱朴子曰諡 禮檀弓曰幼名冠字五十以伯仲死益周道也大戴 始于周史記秦始皇初并天下制曰太古有號無諡 則墓前之立石人柱羊虎之類皆起于漢也

次定四車全書

穆天子傳曰天子為盛姬諡曰哀淑人此疑婦

事物紀原

쿠

諡

婦

諡

中古有號死而以行為諡

后諡 髙祖之母始有昭靈之號諸后皆因帝諡以為稱錐 之起也 諡所以易名也事錐起於周而王后亦無其禮漢初 辛未尊曰昭靈后元紀元帝母曰恭哀許皇后張晏 漢王即皇帝位尊先媼曰昭靈夫人髙后五年五月 吕氏專政上官臨制亦無殊號東京明帝始建光烈 之名後漢皇后紀論云爾按漢寫祖五年二月甲午

主諡 祭佐命已諡為昭又南史沈攸之傳言齊高帝女義 唐書公主傳亦云爾按唐平陽公主髙祖之女起兵 穆諡自唐安始也唐會要曰貞元十五年七月十五 始也 日追册故唐安主為韓國正穆故義章公主為在穆 楊侃職林曰唐貞元十五年故唐安公主賜諡曰莊 曰婦人從夫諡関其見殺故兼二諡則后諡自漢祖

欠已四車全書

事物紀原

圭

起復 禮曾子問云子夏問曰三年之喪金華之事無避也 自唐安公主始也 與憲公主妻攸之子文和憲亦諡爾不審侃何以言 禮盖自伯禽始也 春秋亦紀晉襄公墨飨之事漢唐以來遂有起復之 者非與孔子曰吾聞老明曰昔者魯公伯禽有為為 之也注云魯徐戎作難喪卒哭而征之急王事也故

次七四年全書 1 忌日 哀稱諱如見親然則忌日疑始于周也周禮小史若 至于親以此日亡其哀心如喪時又曰文王忌日必 忌日親亡之日不用舉他事如有時日之禁志有所 有事詔王之忌諱注云忌先王之死日 又祭義曰君子有終身之憂思日之謂也忌日不用 非不詳也言夫日志有所至而不敢盡其私也注曰 博弈嬉戲部四十八 事物紀原 产四

蹴 手談 圍基 踘 博物志曰堯造圍暴以教丹朱或曰舜造也 世說曰王中郎以圍碁是坐隱支公以圍碁為手談 **今人目圍基為手談者語云王中郎以基為手談也** 由是言之雖說有小同異然疑晉以來語也 王積新碁勢譜圖曰王郎號為坐隱祖約稱為手談 卷儿

投壺 壺壺頭修七寸腹修五寸口徑二寸半容一斗五升 壺中實小豆馬為其天之躍而出也壺去席二矢半 博物志曰黄帝所作也 鞠兵勢也所以練武事知有材皆因嬉戲而講陳之 劉向別録曰蹴踘者傳言黄帝造或曰起戰國時蹋 矢以柘岩棘毋去其皮而鼓節有魯葬之異其禮盖 禮記投壺曰投壺之禮主人奉矢司射奉中使人執

ピュンロ目という

事物紀原

丰

彈 歐陽詢藝文類聚日古者人死未有棺鄉殯葬襄以 傑也今投壺之用竹矢為激還為驍自郭舎人始也 則激矢令還謂之驗言如博之立基于北車中為聽 投壺以竹為矢不用棘也古之投壺取中不求還郭 子相投壺之禮是矣西京雜記云漢武時郭舍人善 自周人始也春秋左氏傳有晉侯以齊侯宴中行穆 白茅投之中野孝子不忍視其禽獸所食作彈以守

多分四月子書

卷九

彈基 陸博 **吹定四車全書** 生于古之孝子如上所記則是彈起三皇之世也 博弈者乎莊子博塞以游 曹始置博陸之戲聲譜曰博陸采名也孔子曰不有 說文曰古爲曹氏始作博盖夏后之臣也事始曰鳥 西京雜記曰漢成帝好蹴鞠羣臣以為勞體非至尊 ◆吳越春秋陳音對越王曰弩生於弓弓生于彈彈 事物紀原 麦

所宜帝曰朕好之可擇似而不勞者奏之劉向作彈 至尊所御因其體而作彈碁之戲起自漢代矣宋臨 碁以獻傳玄彈基賦序曰漢成帝好蹴鞠勞人體 其巧京師有馬合卿侯東方安世張公子恨不與數 冠巾角拂碁妙逾于帝酉陽雜俎曰彈基起自魏室 于此伎特妙用手巾角以拂春帝容又能低頭以葛 川王義慶著世說以為彈基始自魏宫裝奩戲文帝 **牲盒戲也典論曰子于他戲弄少所喜雅彈春略盡**

授子 **处定四車全書** 典子戲不知能置逐加投子至六按烏曹始置六博老子置 注謂投投子乃投擲之義謂樗蒲五木然則滿皆有 投子耳故曹植所造從么至六謂之投子取投擲義 樗蒲李氏資服引蔡澤說范雎云博者欲大投裝駰 續事始曰陳思王曹子建制雙陸置投子二唐末有 為之者亦少 子對起于魏室明知二說非也今世尚或有其法 事物紀原 走

榜浦 邻矣潘氏紀聞謂自投子以飾四朱者因明皇與貴 **今按唐李賀州邻撰樂子格世有其書則六隻當自** 四 博物志曰樗蒲老子入西戎所造或云胡亦以此卜 **宛轉良久而成重四上大悦命高力士賜四緋** 如采戰将北唯重四可轉敗為勝上擲而連呼叱之 云嘉話録曰大和已後博戲家謂重四為堂印言重 則投子猶二也六隻盖起近代大和文宗時年號

卷九

買鬼 泉戲 **火**定四車全書 其所欲也後人因此為買鬼之戲就中彩名其通天 世傳唐武后初諫議大夫明崇儼能役鬼物其微時 th. 太平御覽日象戲周武帝所造而行碁有日月星辰 火通之類云亦當時所役之物名也 人皆與博凡擲投子必使鬼物持其彩應呼而成隨 事物紀原

殿于此古塚初定時已與周武帝所造不同而同名 馬斜飛度三疆上将横行擊四方輜車直入無迴翔 實應元年岑順于陝州吕氏內宅夜聞鼙鼓之聲有 金象局列馬滿枰其辭與勢正今世所為者是則此 横出一尺後車進己而于見處掘之即古塚也前有 六甲次第不乖行乃有一馬斜去三尺止又一步卒 介人報曰金象将夜警也審見鐵騎長數寸進曰天 之目與今人所為殊不同唐牛僧孺撰元恠錄載唐

彩選 言其無實惟彩勝而已本朝劉蒙叟陳堯佐雖各有 國之事乎故令人亦曰象恭盖戰國用兵爭強故時 损益而大抵取法及趙明遠削唐雜任之門盡以今 彩選序曰唐之衰任官失序而廉恥路斷李賀州邻 象戲也說苑雅門問謂孟當君下燕則關象基亦戰 幾之恥當時職任用投子之數均班爵賞謂之彩選 人用戰爭之象為基勢也

火色日草白

事物紀原

幸九

鬬草 鬬雞 宗傳荆楚歲時記曰競採百藥謂百草以蠲除毒魚 列子有紀省子為周宣王養關雞之事左傳述李師 始當出于周也 國又以寄禄新格為名 制專以進士為目時慶歷中也元豐末官制行朱昌)雞關季氏介其雞邱氏為之金距推此則兹戲之

金グリ

卷九

戯場 鬬牛 武士射其神斃蜀不復病水由是關牛之戲今世尚 通典曰煬帝大業二年突厥染干來朝帝欲夸之追 或有之盖自秦世之始也 成都記曰李水為對郡守有蛟暴入水戮之已為牛 形約日江神亦必牛形白带者我也須更有二牛關 故世有鬬草之戲

钦定四庫全書 !

事物紀原

19 +

角脈 其始也 旦以縱觀之宋朝至正歲上元闢端門起山樓露喜 四方散樂大集東都自是每歲正月萬國來朝留 一世在甘泉宫作樂角紙注云戰國時增講武以為 五日于端門外列為戲場百官綠棚夾道從昏達 圍列釣容教坊樂及綠棚夾道令都人縱觀者此 相撲也漢武故事日角脈昔六國時所造史記秦

灰足四車全書 1 俳優 盖優戲之始也 定公會齊侯于夾谷齊宫中之樂有俳優戲于前此 **截則優嚴已見于夏后之末世晉獻公時有優施魯** 也誤矣 列女傳日夏桀既棄禮義求倡優侏儒而為奇偉之 **戯樂相誇角其材力以相脈鬭两两相當也漢武帝** 好之白居易六帖曰角脈之殿漢武始作相當角力 事物紀原 四十二

傀儡 膠漆之所為也此疑傀儡之始矣秦漢有魚龍曼衍 前漢高紀七年注應劭曰平使畫工圖美女遣遺闕 氏而无刻木事今按列子記周穆王時巧人有偃師 者為木人能歌舞王與威姬觀之舞既然木人瞬目 美人立之城上以詐冒頓闕氏後人因此為傀儡 以手招王左右王怒欲殺偃師偃師懼壞之皆丹墨 世傳傀儡起于漢高祖平城之圍用陳平計刻木為

耿定四庫全書 百戯 本喪樂漢末始節之嘉會不知何以為喪樂風俗通 作偶人以戲善歌舞審此知其偃師之遺事也一云 姓郭好諧謔今傀儡郭郎子是也 口漢靈帝時京師賓昏嘉會皆作魁礧梁散樂亦有 **截然造君王然偃師是以通典曰窟礧子亦曰魁礧** 之戲其事亦粗見唐李商隱宫詞曰不須看盡魚龍 北齊後主高緯尤所好也顏氏家訓云古有禿人 事物紀原 四十二

髙絙 舞輪 通典曰梁有舞輪位令之舞車輪者則是此戲自梁 又曰沒有高短伎云今殿絕者謂上索者是也亦踏 世始有之也 絙吞刀履火尋撞等也一云都盧尋撞都廬山名其 漢元帝纂要曰百戲起于秦漢曼衍之戲後乃有髙 **入善級竿百戲**

耿定四車全書 影戲 水戯 曼延弄馬列騎備如漢西京故事今世皆傳其法盖 典略曰魏明帝使博士馬釣作水轉百戲巨獸魚龍 其始自馬釣也 繩上相逢比肩而不傾 旦受賀以大絕繁兩柱相去数丈两倡女對舞行于 索之事云非自梁始也又有弄婉諸伎後漢天子正 事物紀原 四十三

嗔拳 見宋朝仁宗時市人有能談三國事者或採其說 緣飾作影人始為魏吴蜀三分戰爭之像 夜為方惟張燈燭帝坐它帳自帷中望見之仿佛夫 江淮之俗每作諸殿必先該嗔拳笑面有諸行戲時 人少翁言能致其魂上念夫人無已廼使致之少翁 故老相承言影戲之原出于漢武帝李夫人之亡齊 像也盖不得就視之由是世間有影戲歷代無所

合生 欠日日年 主時 合生歌言淺穢平一上書比來妖伎胡人街童市子 唐書武平一傳曰中宗宴兩儀殿胡人襪子何懿倡 當在故腦之末所作之人又多村夫初不知其所謂 **此戯者必戴面如胡人状作勇力之勢謂之嗔拳則** 糾 知其為荆楚故俗舊矣 也按荆楚歲時記有諺語云臘鼓鳴春草生村人並 腰鼓戴胡公頭及作金剛力士以逐除今南方為 事物紀原 四十四

金ダいたとう 岭叫 或言如主情兒或列王公名質詠歌舞蹈號曰合生 嘉祐末仁宗上仙自帝即位至是殆五十年天下稔 也今人亦謂之唱題目 始自王公稍及問巷即是合生之原起自唐中宗時 盖自至和嘉祐之間叫紫蘓丸泊樂工杜人經 其功然四海方過密故市井初有叫果子之戲其本 于豐樂不意邦國內變之事而英宗該陰不言能昭

生花 **尺配日巨人語 衔是也本自西域來由是言之種瓜植樹即生花之** 破奴等破車師大宛以梨軒腔人獻于朝顏師古注 云脏與幻同即今吞刀履火種瓜植樹屠人戮馬之 今京城有生花種植以戲者按前漢張騫傳漢遣档 子始也京師凡賣一物必有聲韻其吟哦俱不同故 又謂之吟叫也 人採其聲調間以詞章以為戲樂也今盛行于世 事物紀原 四十五

杵歌 金万口屋台書 打麥 此也 春秋左氏傳曰襄公十七年十一月宋皇國父為平 事也盖自漢武時大宛所獻眩人始云 公築臺妨農功子罕請俟農畢公弗許築者謳日澤 今俗兒戲有打麥鼓掌作打麥聲後必三拍之抑紹 唐書武元衡之将遇害也京師童謡曰打麥三三三

· 吹定四車全書 然矣與樗淮南子道應訓作邪許 號頭眾皆和之日打號此盖其始也七國之時已云 此舉重勸力之歌也令人舉重出力者一人倡則為 其始也其歌往往叙苦樂之意者由此爾吕氏春秋 子罕黑色而居邑中今版築後夫歌以應杵者此盖 云程煎對魏惠王曰舉大木者前唱與樗後亦應之 門之哲實與我後邑中之點實慰我心杜預注曰周 一月今九月澤門宋城門宋國父白哲居近澤門 事物紀原 四十六

黄鉞 五兵 為刃即自蚩尤始矣 世本出尤以金作兵器然則兵盖始于炎帝而鑄金 五兵吕氏春秋日蚩尤作五兵戈父戟首矛夷矛也 兵黄帝以玉為兵蚩尤乃鎌金為兵割革為甲始制 兵者戈戰子劍之總名也太白陰經曰神農以石為 戎容兵械部四十九

牙旗 黄帝出軍決日牙旗者將軍之精金鼓者將軍之氣 帝金鉞以主煞此其始也 征伐則置之也故孫權因之作黄龍大牙 輿服志曰黄鉞黄帝置内傳曰帝將伐蚩尤玄女授 軍之形候也即知牙旗之製始自置軍之時宜有

欠日日年日

世本曰杼作甲杼或作與少康子也墨子亦云太白

事物紀原

里

衣甲

兜鍪 抹額 金ダロガる言 皆抹額緋衫大口袴侍衛自此抹額遂為軍容之服 問之對曰此武士之首服也秦始皇至海上有神朝 陰經曰蚩尤 割革為甲管子亦云黄帝内傳曰玄女 請帝制甲胄以備身也 人其不被甲者以紅綃帕抹其頭額云海神來朝禹 儀實銀曰禹娶塗山之夕大風雷電中有甲卒千

干戈 胄也黄帝内傳所述盖玄女請帝製之以備身也准 **胄亦以古鍪頭之事耳故自古以兜鍪為首鎧之名** 注曰盖三皇所以鍪頭者兜鍪帽也則是黄帝之制 南子紀論訓曰有鍪頭而繼領以王天下者矣許慎 也則兵為起于大昊矣吕氏春秋云蚩尤造五兵盖 王子年拾遺記曰庖羲造干戈以飾武此干戈之始 也也

見日報を動

事物紀原

哭

金分口及台灣 戟 剱 **蚩尤受而制之以為雍孤之戟此戟之始也實録謂** 管子曰昔為天盧之山發而出金茧尤受而制之以 為劒鎧矛戟此劒甲之始也 自夏后氏始非也吕氏春秋云蚩尤造五兵戟其 又管子黄帝問于伯髙伯髙曰雍狐之山發水出金 也龍魚河圖曰出尤造戟也續事始曰魏武加蝦墓

槍 C 1.) D 101 /1 4.17 刀 頭艦 實録曰黄帝與蚩尤戰即是有槍時諸葛亮始以木 作之長丈二以鐵為頭續事始曰亮置苦竹槍長二 黄帝與蚩尤戰即有之 黄帝採首山之銅始為鑄刀二儀實銀曰刀之制自 龍魚河圖曰黄帝時出尤造立刀戟郭憲洞其記曰 事物紀原 四十九

馬槊 矛 **動好四周百書** 梁簡文帝馬樂譜序馬樂為用雖非遠法近代相傳 **当尤作五兵有首矛夷矛則矛盖蚩尤所作也** 世本曰杼作矛管子曰蚩尤為劒鎧子戟吕氏春秋 丈五尺也 樂之事已見于此矣豈其事之所起乎 稍以成藝按曹操父子横槊賦詩于鞍馬之間則馬 卷儿

七首 弓矢 7)1.17.1. J.LL 神農氏没黄帝堯舜氏作弦木為弧剡木為矢弧矢 首之制堯舜已為其物矣然兵械之原多出于黄帝 之利以威天下盖取諸縣山海經日少皡生般始為 亦其時事耶按左氏魯曹沬執七首刼齊桓公 漢王莽傳曰莽避火坐宣室前殿持虞帝七首則七 太白陰經日庖羲氏弦木為弓刻木為矢易繁辭日 事物紀原

動定四庫全書 弩 **羿作弓張教吴録曰揮觀弧星始為弧按司馬遷史** 黄帝臣郭璞弓矢一器而作者两人于理可疑以般 弓矢世本日年夷作矢揮作弓宋衷注云年夷揮皆 射決日蚩尤作亂黄帝始制弧矢 記曰黄帝之弓曰烏號然則當以繁解為是員半千 為是墨子曰罪作弓首子曰無作矢日氏春秋日夷 古史曰黄帝作弩吳越春秋陳音對越王曰弩生于

... 7:1 215 神臂弓 弩其名物有唐大灰庫之别則弩之起遠矣龍魚河 是弩之始出于楚琴氏也而周官司弓矢掌六弓六 筆談曰熙寧中李定獻偏架弩似弓而施榦鐙以鐙 圖則日黄帝時蚩尤造五兵杖刀戟大弩也 拒地而張之射三百歩能洞扎謂之神臂弓最為利 弓弓生於彈彈生于古之孝子楚琴氏以弓矢之勢 不足以威天下乃横弓著臂施機設郭加之以力即 事物记息 <u>ት</u>

箭筒 弓袋 自定始也 器定黨項差首歸朝死于防團盖神臂弓之為國用 記日武王克商倒載干戈包之以虎皮名之曰建豪 仗盖大將備儀也左傳曰左索鞬右鞭弭是也禮樂 實銀曰器仗皆自有虞氏始獨鹿施弓袋通謂之三 注建讀為鍵兵甲之衣曰索

射的 次定四軍企 鸠銷 前漢匈奴傳曰冒頓作鳴鏑應劭曰髐箭也遂以射 就簡但為射的盖侯之遺意也射以暈計之亦三正 侯始見于堯舜矣至周有熊虎麋犴三五正侯後世 **虞書曰侯以明之注云作射侯之禮以明善惡則射** 五正之遺事也俗亦曰射帖 又曰箭简自有虞氏始也問禮有矢能 事物紀原

六春 斬馬刀 金グログと言 實銀日商有纛皂絲為之似蚩尤首黄帝内傳曰女 製斬馬刀其犀利則莫比盖亦取漢氏舊名為稱也 則斬馬刀之名已見于漢代矣宋朝神宗熙寧中 漢成帝時朱雲請上方斬馬劒斷張禹頭以厲其餘 殺頭曼單于者 女為帝制女纛十二以主兵是則纛自黄帝始

旗幟 五方旗 欠巴马里 Asta 懺之始也 懺黃帝内傳曰玄女請帝制旗幟以象雲物此盖 通典曰黄帝振兵設五旗黄帝内傳曰帝制五彩旗 物或綵錯為鵰鷄取諸此也太白陰經曰蚩尤建旗 列子曰黄帝與炎帝戰以鵰點應隼為旗幟故今旗 抬顧向背黄帝出軍決曰攻伐作五彩牙旗青引東 事物紀原 주 旗

角 鉦 多为口屋台重 駕子曰禹治天下以五聲聽為銘書于 黄帝内傳曰玄女請帝 鑼其遺事也 赤南白西黑北中黄是也亦自黄帝制之 以事者振鐸禹世已有此也 **轉鉦鐃以擬雹擊之聲今** 銅

鞞 てこう 三 唐韻曰鼙騎卜 角作龍鳴以禦之盖角肇于黄帝氏也谷儉角賦夫 警夜通禮義纂曰蚩尤帥蝄蜽與黄帝戰帝命始吹 徐廣車服儀制曰角前書記所不載或云本出羌胡 也軍中置之以司昏曉故角為軍容也 角盖黄帝會羣臣于泰山作清角之音號令之限度 云出于越黄帝内傳曰玄女請帝製角一十四以 1.LL 一鼓鼙碑也裡助鼓節亦作鞞今軍行 事物紀原 五十四

鞍轡 鞀 以獄訟者揮軺 吕氏春秋曰倕作鞀鬻子禹為銘書于龔漢語寡 雷霆是則黄帝制之以伐蚩尤也吕氏春秋曰帝嚳 桓寬鹽鐵論云古者繩輕草鞮皮薦而已後代以革 倕作鼙鼓之樂又云倕作鞞以節鼓

多定四厚全書

馬上所擊是也黄帝内傳曰玄女請帝制鼓聲以當

卷九

ここうえんま 鞭 也 得名于堯舜之代始以為薄刑之用 以蕃馬太王杖馬蕃去邠是也虞書曰鞭作官刑則 說文所為驅遲者也古用革以驅馬左傳曰鞭之長 誅推此當是三代之制盖黄帝始服牛乗馬宜未騎 鞍而不飾六韜曰車騎之將軍馬不具鞍勒不備者 不及馬腹是也後世代之以竹故或謂之蕃盖策之 事物紀原 五十五

鐵族縣 盾 多为四周五章 晁錯言守邊議云具植石布渠答注云渠答鐵族雜 則三國之際已有其物非自隋煬帝始也漢文帝時 武功五丈原亮卒懿追之亮長史楊儀多布鐵蒺梨 路水中以刺人馬非也按諸葛亮與司馬懿相持干 事始云鐵蒺梨菱角等起于隋煬帝征遼東置之要 也此又漢初事爾雖然非三代仁義之守也

傍排 實銀日傍排自牟夷始也或日傍排近世兵杖中有 拾遗記曰庖犧造干此則楯之起也 持楯春秋元命包曰帝嚳戴干宋衷曰干楯也王嘉 要曰太宗聞南方以標槍傍排為兵令蕭延皓取廣 傳于中國至神宗設于行陣令諸軍習之也宋朝會 鏢牌盖出溪洞之蠻熙寧中王師征交阯其法乃盛 山海經曰羿與鑿齒戰于草疇之野羿持弓矢鑿齒

たこり 自己

事物紀原

五十六

金分口屋台電 柝 兵法 **德軍習之中土之用標牌此其始也** 即析乃古今字耳 行所擊今擊木為聲以代更籌者是俗曰蝦蟇更 洗起关子序曰兵法始于黄帝其後得其傳者周太 繋辭曰重門擊柝以待暴容盖取諸豫說文樣夜 戰陣攻守部五十

陣列 戦爭 吕氏春秋日蚩尤作兵也利其械未有蚩尤時民固 史記曰髙陽有共工之陣以平水害于是始有陣 世 削林木以戰黃帝與炎帝戰于版泉是矣為戰爭起 公齊管仲吳孫武魏曹操蜀諸葛孔明其書皆行干 炎黄之際也 事物紀原 至

傳令 陣圖 動坑四庫全書 吴子序曰諸葛孔明天地風雲龍虎蛇鳥本一陣也 陣圖者從此 出黄帝兵井之法于魚復沙上累石八行為陣世謂 書大禹謨有苗弗率禹乃會羣后誓于師曰咸聽朕 命此軍中傳令之始也以夏后氏為之始 陣列也晉桓温見之曰此常山她勢也後人之為

先鋒 钦定四車全書 伏兵 般後 易曰伏戎于恭左氏北戎侵鄭公子突曰君為三覆 黄夷前驅孔嬰齊殿宜與先鋒同起于周制也 桂苑曰殿軍後也語曰孟之反不伐奔而殿左傳曰 孫子曰軍無選鋒曰此周宣王之北伐也六月之詩 曰元戎十乘以先啓行則先鋒周人制也 事物紀原 五十八 .

水攻 火攻 攻也穀殺日不言都成丘疾其以火攻也六帖云始 七年二月乙亥焚咸丘公羊曰樵之也樵之者以火 孫子之書有火攻故齊田單有火牛之事左傳桓公 代之事爾 火攻 以待之杜預注云覆伏兵也周公縣易言此疑亦 **耿定四車全書** 京觀 烽燧 玄女戰經曰諸見舉烽火傳言屢屢且起黃帝出軍 左傳楚子曰明王伐不敬取其鯨鯢而封之于是乎 世云 觀此二者非先王仁義之兵也盖出于戰國吞并之 有京觀推此而言則是有征伐以來則有其事 國語智伯攻趙襄子決汾水准晉陽城不没者三版 Į 事物紀原 五九

警 型 楼媽 變固外戰必盛鶴列于麗熊之間郭象注麗熊戰樓 莊子曰魏武侯欲偃兵徐無鬼曰偃兵造兵之治也 史記黃帝與炎帝戰于版泉以兵師為營衛此營壘 自初用兵即有之也 决亦有望見烽火之文周幽王為褒姒舉烽燧疑亦 之始也其後兵之所居因曰軍營

雲梯 尺色り草と 礮 墨子曰公輸般為雲梯之械左傳曰楚子使解楊登 續事始于魯人公輸般造以攻宋城可以凌空立之 樓車也盖雲梯矣當是三代之制而公輸加機巧爾 樓車文王之雅曰臨衝閉問注云臨車即左氏所謂 石 之名即敵樓也疑周衰戰國時始有之云 太白陰經謂之飛梯 事物紀原 六十

戎車 金分旦左台書 邊城有歐盖出于范蠡飛石之制因事增廣遂為今 衝車昭以絕連石磨四角擊其衝車車拆即廠事矣 漢書甘延壽投石絕等倫張晏曰范蠡兵法飛石重 而唐書李密傳密使甲戊造廣雲猶三百具以幾發 法此盖其始也事始曰諸葛亮圍都昭于陳倉亮起 十二斤為機法行三百步延壽有力能以手投之今 石為攻城械號將軍歐

戎車出于夏后之前至夏始名也 右司馬法曰戎車夏曰鉤車商曰寅車周曰元戎則

戦舟 戰舟之始也太白陰經曰水戰之具始于伍員製之 墨子曰公輸般自唐之楚為舟戰之具謂之釣拒此

戍邊

紂之時西患昆夷北難玁狁文王以紂命遣戍役以

事物紀原

六十二

といりはんだ

以船為車以擄為馬云

|多定四月全書 守衛中國采被所歌是也其事起于商辛失道之世

出軍 筆談日宋朝太祖制禁軍更戍之法欲其習山川勞

告遠妻孥懷土之戀兼外戍之日多在營之日少人 兵請糧者營在城東即令就西倉在城西即就城東 少子而衣食易足以禁軍出軍之始也又京師衛

倉仍不許僦車脚皆須自員以使之盡力制其驕惰 故士卒衣食無外慕安辛苦而見使也

避僧 欠定日車全事 **蘓氏演義日都洛記云北齊忌黑文宣帝然第七弟** 勝之辰多所避忌北齊始也今行軍出師之日忌見 僧尼者始自北齊之所忌黑也云爾 一黨王海以七者漆也属黑又僧衣多黑而出師決 事物紀原 六十二

金グロカノニ 事物紀原卷九 卷九